

TARIKH: 7/7/23  
SURAT KHABAR: Berita Harian  
MUKA SURAT: 15

# Kos rawatan dialisis PERKESO cecah RM500 juta 10 tahun akan datang

**Klang:** Kos rawatan dialisis pencaerum Pertubuhan Keselamatan Sosial (PERKESO) dijangka mencecah lebih RM500 juta dalam tempoh 10 tahun akan datang.

Menteri Sumber Manusia, V Sivakumar berkata, peningkatan kos itu berlaku saban tahun dengan sekitar 2,000 hingga 3,000 permohonan baharu bagi rawatan dialisis diterima PERKESO terutama di Selangor, Kuala Lumpur dan Pulau Pinang.

Beliau berkata, perkhidmatan rawatan dialisis PERKESO yang dimulakan pada 1999 membabitkan kos RM1.12 juta dan meningkat kepada RM334.67 juta pada tahun lalu.

Katanya, sepanjang lima bulan tahun ini pula membabitkan kos sebanyak RM145.3 juta.

"Apabila pertambahan berlaku memberikan kesan kepada PERKESO kerana sebahagian pesakit buah pinggang ini adalah pekerja.

"Kesan bukan sahaja menyebabkan mereka tidak dapat be-

kerja, malah keluarga juga hilang punca rezeki, seterusnya negara kehilangan aset sumber manusia yang menyumbang kepada produktiviti dan perkembangan ekonomi.

"Justeru, kita bercadang untuk membuka lebih banyak cawangan pusat dialisis di Kuala Lumpur; Seberang Jaya, Pulau Pinang; Sabah; Sarawak; Kuantan, Pahang dan Terengganu," katanya pada sidang media selepas merasmikan pejabat PERKESO Klang dan Pusat Dialisis PERKESO cawangan Klang di sini, semalam.

Mengulas lanjut, Sivakumar berkata, pusat dialisis PERKESO itu bukan bertujuan untuk bersaing dengan pusat dialisis lain sebaliknya, bagi mengukuhkan kemampuan PERKESO sendiri dalam mengurangkan dana keselamatan sosial.

Menurutnya, kos dialisis sebulan bagi seorang pencaerum PERKESO yang menerima kemudahan tersebut adalah kira-kira RM2,000



Sivakumar (tengah) bersama penerima sumbangan pada Majlis Perasmian Pejabat Pertubuhan Keselamatan Sosial (PERKESO) Klang dan Pusat Dialisis PERKESO Cawangan Klang di Bandar Bukit Tinggi, Klang. Turut hadir Pengerusi Lembaga PERKESO, Datuk Seri Subahan Kamal (empat dari kanan) dan Ketua Eksekutif PERKESO, Datuk Seri Dr Mohammed Azman Aziz Mohammed (kiri). (Foto BERNAMA)

dan hasil penjimatan menerusi pusat dialisis pertubuhan itu boleh disalurkan semula kepada pencaerum dalam bentuk lain.

"Kita akan tetap meneruskan rawatan dialisis kepada Orang Berinsurans PERKESO ini di lebih 700 pusat dialisis panel PERKESO yang sebahagiannya diuruskan pertubuhan bukan kerajaan (NGO) dan pihak swasta," katanya.

Beliau berkata, pusat dialisis PERKESO di Klang itu menye-

diakan kemudahan rawatan dialisis kepada pencaerum di sekitar daerah berkenaan.

Katanya, pusat itu mampu menyediakan rawatan kepada 18 pesakit sehari menerusi tiga syif dan melengkapkan kitaran dialisis untuk 36 pesakit setiap tiga hari dalam seminggu.

Dalam pada itu, Sivakumar turut berharap Orang Berinsurans PERKESO menjalani program saringan kesihatan percuma yang ditawarkan PERKESO bagi

pencaerum yang berusia 40 hingga 59 tahun, iaitu HSP 3.0.

Katanya, jika dapat mengesan apa-apa penyakit, pekerja boleh mendapat rawatan segera sekaligus mengelakkan ia menjadi semakin serius.

"Berdasarkan analisis program HSP terhadap 27,152 orang pada 2022 didapati 42 peratus pekerja mengalami obesiti, kencing manis (14.1 peratus), darah tinggi (27.9 peratus) dan kolesterol tinggi (61.2 peratus)," katanya.

#  
7/7/23  
ms/s  
Berita Harian